

A painting of a man with dark hair and a beard, wearing a yellow tunic and a brown shawl, leaning over a rocky ledge. He holds a wooden staff in his right hand and reaches out with his left hand towards a small white lamb. The background shows a steep, green, rocky hillside under a blue sky with white clouds.

ATANG MEPU JAMPU

Nyanpa—Watson Goodman

Jajangja—Yaolak Yite

ATANG MEPU JAMPU

“Atang Mepu Jampu,” hatao-a AJAOLAI mepu ngaolan shai-jumpu ngohnang Taolan te jamlaka Ajaolai hei ngohnang she to-e atinglaknang.

Kawang ngao “Atang Mepu” hatao a ajao lan yimpu mongjang jingne jampu ayong ngohnang. Aobe kata ja monglep-e unu janlakei, aobe Jisu Khrista I mongjang me nyoilakei, huyange aobe Jisua U yinyipa she yalakei, huwante Nokpupa yoi nying te meangpalan dang te ngailak, huyange meangpalan mongjang te yoi mongmei, to-loimei phalak. To e 1937 me wangpu tenyih ngoie taopa wo yiphenbe kawang phei ngohnang. Tao-e numano Nokpupa te jafyange nang yinyipa she yahtao she einang. —Watson Goodman (1920-2002)

KAHWANG YAYIENG KUNPU

1

Hüyangpoi teman üneo ünupalan ngohwante, teman jingne Khrista lipuwe, hatüowe Kahwange I yoi kenpu jeng temante saki phanang.

—Rome 5:8

Hatüo shaaji yinyepu mo shishao ne ngoh. Jesuwe tüopa kahtok angyange Ipa tangte tailak I hipak ngoiteki she shing. Kahtoknyu me I jingne aoyin ngoh imante Iye jinte ken, hüANGE Iye imante üküm ngoiye ken.

—John 13:1

Aoheye kenneyetei Iye Kahwang yeshing; hangjingne Kahwanga kenpupa. Kahwang halom kaiye teman üyin ngohlak jingne, Kahwang I kahtoknyute shon; tü-

ome temante Kahwange kenpu ütahte ngai.

—I John 4:8, 9

“Kahta jawe yoi shümpa jingne üyin phenne phapu tokte üyongpa hango yenang.”

—John 15:13

HüyANGE monghümpu saki, lipulan mepu üwangne puhpu, hüyANGE kahtoknyu ahngpalan tangme wanglamlampu Jesu Khrista mepu numan tangte ngohtüo.

—Ütahte ngaipu 1:5

“Hangjingne Kahwange kahta nyuhate hüke kenpuwe aoyinne Ite ütinglak lakei yemahlak hüyangpoi jintepu üyin ngohlak jingne Iye yoi halom pha.”

—John 3:16

Ngao nüngneilak yenang, lowe angpu üyonga teman wanglam! I mei me ütahte ngai, Yaha me tingetampu tüo, wangdang shongnyingpalane nge, jatlan yo me nyaowe tam, kahtoknyu me yelakpe mengteki, müktishiwa me woi in.

—I Timothy 3:16

Üwangne kahtoknyu lingshao me Ngao ngoh; I Kahwang phei ngoh, hüyang Ngao Kahwang ngoh. . . . Ngao kahtane meng hüyang teman phei ngoh. . . . Ipa mepu I shaha ra ne menge hatüo müktishiwa pu Iye tüoyangki.

—John 1:1, 14

Tüolan khongküm Nokpupawe hipa kaiye ngaoyangpu ütahte

ngailak jingne, aoheye i: “Üjaonaoya püm yekengpe ngailak hüyang netan moi ja pailak, hüyang imane Ite Emmanuel she minlak.” hanghete leppu,—“Kahwang teman phei ngohnang.”

—Matthew 1:22, 23

“Üpa hüyang tao ja.”

—John 10:30

Jesuve Ite i, “Philip, tao numan phei hüshinne ngohyapoi, nange tao yesching a? Aoheye tao ngeyangki Iye üpa ngeyangki. “Tomante üpa haopha she” nange hangne ipu? Tao üpa me ngohnang, hüyang üpa üme ngohnang she nange üting yelak a?”

—John 14:9, 10

JESU, KAHWANG AHA

3

Aoheye Jesua Kahwang üha
she janlakei, Kahwang Ime ngoh-
nang, hüyange I Kahwang me
ngohnang.

—I John 4:15

Hüyange wangdang shongnyi-
ngpawe yhate i, “Üjao Yaha nang-
tang me peilak, hüyange ütahpa
üngan yashüm me nangte küplak;
tüokhei puh ne ngohpu nehate
üjaopa, hüyange Kahwang üha
she nyiklak.”

—Luke 1:35

I yelakpe ngaowe ngohwante,
yeonge jaopu wangphomme iman
nyeih, hüyange wangphom mepu
ngao jawe hüke i, “Hatüo ümong-
kenpu Ha, aoheme tao yeonge
monghah nang; Ite jaiyah.”

—Matthew 17:5

Jesuve Ite i, “Nange I ngeteki,
kahwang Aha hüyange nang phei
aohe ngaoyapei tüowa I.”

—John 9:37

Hangjingne Ime Khrista Jesu
Honyongpa ütingpa üshei wang-
ngoiye püm noshepu ngohnang.

—Colossia 2:9

Imane üngwen, “Kahwang Ü-
ha, nange toman phei hanghi ling-
lak ngohnangki? Hipak manngoi-
pe toman ponghahne nang tüome
peipu a?”

—Matthew 8:29

“Üjingne paa, Üpawe taole hü-
yange kahtok nyute tao shon. Hü-
maa, taowe Kahwang üha she ipu
jingne taowe Kahwang ye-i-yeshe-
ja she numane iye ok?”

—John 10:36

JISUE EINANG, IA AOHI

Jesuwe jane i: “Numana üphangpa mepu, tao ütok pa mepu. Numana tüopa kahtok jing; tao tüopa kahtok jingne yeje.” . . . Jesuwe imante i, “Taowe numante üting iphaning;” “Abraham manpuh pe muh tao ngohyangki.”

—John 8:23, 58

Shekonyuwe Ite i, “Khrista she nyikpu, Messiah peilak taowe shingnang. Aope I peilakei Iye tomane khongkümpu iphalak!” Jesuwe janne i, “Tao aohe ye nangphei, ngaonang, Tao I ngohnang.”

—John 4:25, 26

Jesuwe imante i, “Tao üyin hahying.” “Aohepa ütangte pei I aopeo sheyenyaolak; hüANGE aohe-

ye üte ütinglak lakei aopeo yeng yelelak.”

—John 6:35

“Tao aope kahtoknyu me ngoh tao kahtoknyu wangngai.”

—John 9:5

Tüokhei Jesuwe imante üneo i: “Taowe numante ütingpa iphaning: Nyilan jingne tatenna tao.”

—John 10:7

Jesuwe yhate i, “Tao yang yepu hüANGE üyin. Aohe üte üting lak-lakei I liyapoi üyin ngohlak.”

—John 11:25

Numane üte konnyaopa hüANGE Nokpupa she nyik; hüANGE numane shuwe nyikyangki, hangjingne hatüowa tao.

—John 13:13

Iye ükhongte hüng tangme shotlak jingne ngaopha. Tüophei me Iye ankhao nga hüyange nyia ni jon, wangdang yete lei hüyange kahwangte minyong pha; hüyange aope Iye an paikhui pinlante Iye pha, hüyange pinlanne ükhongte pha. Iman manmoh manmoh hah; hüyange topu ükhui ünyai imane shaijemme yowante, muhto penme ni maawe ngoh. Hahpulan, sheko hei nahalan ye i pe kahta haja nga nanjing ngoh.

—Matthew 14:19-21

Simon ne jan, “Nokpupa wangnyak phapan toman yeonge nga-nyangki hüyangpoi hango yeom.

Hüpoi, nange iphei maa taowe shan shaiye nyaohu hahma.” Imanne shana shai hüyange shanno hütlak pane nyia maawe om.

—Luke 5:5, 6

Mükmüopa ni, lamnah me shotte ngoh, hüyange Jesu peinang she imane jai hüyange üngwen, “Üyongpa, David Üha, tomante shüpshepha.” Jesu lak, . . . “Tao-we numan jingne hanghe lingne tam-hunangki?” Imanne Ite i, “Üyongpa, nange toman mük epe tampha.” Hüyange Jesuwe yayenge teiyange iman mükte jon. Tüophei me iman mük ep hüyange I pheite woi.

—Matthew 20:30, 32-34

JESU KHRISTA NOKPUPA, LÜNGPUPA

Hangjingne wangdang me hü-yange kahtoknyu me toi üshei, ngepu hei yengeokpu hanghe ngoh, ahngpa shotjing jeyah, ahngchinglan jeyah, ükengnyulan jeyah, wongpheipulan jeyah, üshei Ime ling; I kaiye hüyangne üshei lingengai yangki.

—Colossia 1:16

Sheminlamphe I kaiye ngai, hü-yange I yeompe ülam ja nehoi yengai. Hangyin linge ngaiyangki.

—John 1:3

Hüyangpoi tüopa jin üküm yeme I Ha, aohe Iye üshei mothleilak le, hüyangne aohe kaiye Iye

kahtoknyu ling, Iye temante ngao ngaoteki.

—Hebrew 1:2

“Tüokhei tüopa Jesu aohe num-anne tangpem me toi, Kahwange I Nokpupaneo hüyangne Khrista neo menge tam she Isreal nokphong üsheiye ütingme shingyah.”

—Lamputoi 2:36

Hangjingne lipu hei üyin ngoh-pu ni tangte Nokpu ne mengne Khrista li hüyangne yange ye.

—Rome 14:9

Kahwang mong hümlakpa, aohe kaiye numan I Ha Jesu Khrista phei shüppe shalak jingne nyik, I teman Nokpupa ngohnang.

—I Corinth 1:9

... Hangjingne teman üshei Kahwang ngao phenpu shongme yonglak.

—Rome 14:10

Taowe Kahwang shongme, hüyange üyinme ngohpalan hei litepulan ngao phenpa Khrista Jesu shongme, I ngaipu hei I ahngchinge nangte ngaokeng phanang.

—II Timothy 4:1

“Üpawe aoheteo ngao yephen, hüyangpoi ngaophen lak wong khongkümpu Iye üha te phayangki.”

—John 5:22

“Aope kahta üha yoi müktishiwa puphei hüyange Iphei wangdang shongnyingpalan üshei woiyange yulakei, hüwante I yoi mü-

ktishiwa shotjing me shotlak; hüyange jatlan üshei I shishao me jemlak, hüyange Iye nyilan yak jah yeme.”

—Matthew 25:31, 32

Aope Kahwange taowe nyaopu pungao ümei kih Jesu Khrista kaiye kahtalan mongjangme lowe teipu jutei ngao phenlakei, tüonyih me ngaokeng jonne ngohpalan tingetamlak.

—Rome 2:16

“Hüyange üyin me ngohpalan hüyange lipulan ngao phenpa aohe Kahwange le-ngai, hatüowa I she kahtalante konnyaolak hüyange saki phalak tomante ngaokeng pha.”

—Lamputoi 10:42

YENYIPUA JISU KAIE

“Tao taten. Ütam tao kaiye ongmaa yinlak, hüyangе yulak onglak hüyangе hahnyoi tüolak.”

—John 10:9

Jesuve Ite i, “Lamnyu hüyangе ütingpa hüyangе Üyina tao. Tao yekai maa üpa tangte aoheo peine yeok.”

—John 14:6

“Tüokhei taowe numante iyangki, numan ünu me numan lilak. Hüyangе ‘Taowa I’ she üting manlak manlak numan ünu me numan lilak.”

—John 8:24

Hüyangpoi Khrista Jesu me hanghepa yinyepu ngohnang, hatüo kaiye I shüpshiye iman ja jang jawe tingetam.

—Rome 3:24

Hüyangе I wangngoine tamyang pheime, Ite ngao jaipu üshei jingne Iüküm yenangpu yinyepu üjüngne meng.

—Hebrew 5:9

Tüokhei aoyinne I kaiye Kahwang tangte ü-ote peinang, Iye iman jingne, yoppetonglak jingne jintе üyin ngohpune menge, Iye üshei me meimeiyе iman yinne oknang.

—Hebrew 7:25

“Hüyangе ülao aohemeo yinyepu yenang, hangjine teman hanghe kaiye yinyelak, wangphang me kahta yo me ülao min hango phawe yenang.”

—Lamputoi 4:12

Hüpoi Jesu, aohe teman jingne Kahwang mepu konngan hüyang
üjaopa hüyang jaowetampupa
hüyang yinlakpa ne meng, tüopa
Khrista me numan Kahwang me-
pu ngohnang. —I Corinth 1:30

Iye temante ünu üshei mepu
yinlak jingne, hüyang toimei me
lahnyikke yoiye yahlak kahta ük-
hongja yoi jingne jaowe salak
jingne, yoi nying nyingke teman
jingne pha. —Titus 2:14

Hüyang Üpa, aoheyе wang-
ngai me üjaolan moth teitampa-
lanne mengne teman wangngoin-
tam, numane I min yonglak ji-
ngne taowe yopnang. Hangjingne

Iye wangnyak üngan mepu teman
yin hüyang yoiye kenpu Ha a-
hngching me teman ye-yeang;
Ime teman yintemlak ngohnang,
tüopaa teman ünu winpu.

—Colossia 1:12-14

“Hangjingne Kahta Uha yam-
lak hüyang mahpu yinlak jingne
pei.” —Luke 19:10

Hüyang imane Hem üla ja loke
i: “Laitee yahlak hüyang tüopa
yepinlakpa tüppulan eplak nange
wangnang, hangjingne nang toi-
yangki hüyang nange yoi iy ye
kahtalan Kahwang jingne shaky-
angki, Nokphong hei yenghoi, hü-
yang jat hei li üshei mepuwe.”

—Ütahte ngaipu 5:9

Shaa Khrista iy kaiye teman tingetam pu jingne, tüome mong-hah-e, Kahwang mongshih ngaipu mepu teman I kaiye yinyelak.

—Rome 5:9

Khrista shüpshe toinyuke temane Khrista me I iy kaiye teman yintam, hüke teman ünu ümeng winpu tüo.

—Ephesia 1:7

“Hangjingne hatüo jiengjeppu Ü-iy, maapu ümenglän ünu winok-lak jingne, shokke winnang.”

—Matthew 26:28

Numan puyimlan memuh jonne peipu jajang japu üyin wanglam mepu, mahlakpa toi, hon hei khümme numan shakpu ne yeje; hüpoi üko hüyang tushangpu ye-

nangpu nyi üha toinyu iy, hüke Khrista iy kaiye numan shaky-angki.

—I Peter 1:18, 19

Hüpoi I hangke wangngai me ngohnang, hüke temane wangngai me kemmaa, teman shümpa hei shümpa ni shüppé shapu ngohnang, hüyang I Ha Jesu Khrista iy kaiye ünu üshei jaowe tam-nang.

—I John 1:7

Hümaa, Khrista, aoheye jintë üküm yenang Yaha kaiye üko ye-nangpe yoi nying nyingke Kah-wangte to, I iy kaiye üyin Kah-wang shaoshanlak jingne numan juteimongjang toi ümanglan me-pu hangke ünyei jaowetamnang!

—Hebrew 9:14

Hangjingne shüpshe kaiye ütinglakpu kaiye numan yinnang. Hüyang tüopaa yoi nying nyingke yeje, hüpoi Kahwang hünghao hüyangpoi aoheo yeyong yelüolak jingne, tüopaaトイye yeje.

—Ephesia 2:8, 9

Tüokhei ütinglakpuwe tingetampu jingne, teman Nokpupa Jesus Christa kaiye temane Kahwang phei toloimei me mongmei hah.

—Rome 5:1

Hangjingne Christa Jesus phei shüppe shapu me, shokhüppu hei yekhüppu hangheo yenang. Hüpoi yahyeng kaiye ütinglak puwe toi lingnang.

—Galatia 5:6

“ . . . Nokpupa Jesute mengtuo, hüyang nang hei nenok yinlak.”
—Lamputoi 16:31

Hangjingne aohe Kahwang mepu puh, Iye kahtoknyu oknang; hüyang okpupa hangheye kahtoknyu naonang tüopaa teman ütinglakpu.

—I John 5:4

Hatüo laitep me ye-nyanpu, yepinlakpa toi maawe Jesuwe I pinlan phei ling; hüyangpoi numane Jesus Christ, Kahwang üha, she üting lak lak jingne, hangjingne numane ütinglak maa, I min me numane üyin tüolak jingne, hatüo yin nyianyangki.

—John 20:30

Hüwante teman nying nyingke lingpu üjaoトイye yeje, hüpoi I yoi yahyeng shüpshe kih-ü nishe pu-hlak jingne baptipu hüyange Üjao Yaha ülane mengtampu kaiye Iye teman yintam.

—Titus 3:5

“Hangjingne mahpu yinlak jingne kahta üha pei. Numane hangke teinangki? Kahta jawe nyi-khoja ngoh hüyange iman yo me ja lamnyong yete taimahmaa, Iye tepelijapentu waktang yeme angyange hüyange leih-e ye ye lamnyong yete tai mahpupa ye-yam a? Hüyange Iye tüopa tüoma, ütingme taowe numante in-ang, ünyong yete yetaipu tepelija-pentu phei shenyeishe tüopa ja

tangme I mongmei nang. Tüolan üjoilan yo me ja nehoi mahlak jingne wangdang me ngohpu numan üpawe yemong.”

—Matthew 18:11-14

Tüokhei temane yahyengshüpshe yah-oklak, hüyange wongpong hipak me temante jamlak shüpshe tüo oklak jingne, mong-hümpu phei shüpshe ahngpa shot-jing ü-ote teman wenhah.

—Hebrew 4:16

Teman Üpa Kahwang hüyange Nokpupa Jesu Khrista te minyong tüo, I mepu hanghepa wangmanpu shüpshe hüyange üneo Jesus Khrista lipu üyin pha.

—I Peter 1:3

Iye teman yin, hüyangе üjao nyikpuwe teman nyikyangki; teman toike yeje, hüpoi Iye mongpu hüyangе shüpshe hanghepa jin ükhong wangshao me üwangne Khrista Jisu me temante phawengoh.

—II Timothy 1:9

Hüyangе Yaha hüyangе nyamnyanyuwe i, “Peikei.” Hüyangе aoheye jainang Iye, “Peikei,” she itüo. Hüyangе aohe yenglenang I peine tamtüo; aoheye mongnang Iye jajang japu üyin yeng yahyah.

—Ütahte ngaipu 22:17

“Numan topalan hüyangе hangki yih kipalan, üshei ütangte peikei, hüyangе taowe numan toloi meitam phaning.” —Matthew 11:28

“Moüküm nyih, nyih üyong, Jesu yongyange hüke i: “Aohepa yengle nang I ütangte peiye yingtäm tüo.”

—John 7:37

Aope Jesuwe tüo nge, I mongshih ngai hüyangе I pinlante i: “Nahalan ütangte peine tamtüo! Imante tahkhüm, hangjingne Kahwang ahngching tüolan jing lenang.”

—Mark 10:14

Tüokhei Kahwange toman kaiye numante tongpukhei, Khrista jingne toman lampu üjeng ngohnang. Toman ne Khrista minme numan Kahwang phei teishinyaange ngohtüo she yoppe tongnang.

—II Corinth 5:20

Tüokaiye Kahwang halan hü-yange kahshih halan ütahte ngai haonang: aoheye ütingpa yeling, I Kahwang jing yeje, yeshükümaa aoheye yoi jeihei naolan te yeken I-o yeje.

—I John 3:10

Hangjingne hangshin Kahwang Yaha kaiye woinang, iman Kahwang hayimlan ngohnang. Hangjingne numane üneo nyiamtamlak ra yatuhsao yeyah; hüpoi numane Kahwang yoi üha, hangheye temane “Abba! Opa!” she nyik, tüopa yaha numane yah.

—Rome 8:14, 15

Hüke numan me ümeng yenang-

pe hüyange jaoshe-iye hüyange mong tingkha-akpu Kahwang halan ne menglak jingne, kokpu hü-yange jakem kempu jin yo me numane üyin ngaowa kahtoknyu me shanha üte-ke numan wangngai ütahte ngaitemme. —Philippia 2:15

“Tüokhei iman yomepu ngaiye, yoiyoi ne ngohyah she, Nokpupawé inang, hüyange yejaopu hantteo tah jon; hüyange taowe numan yahlak.” —II Corinth 6:17

Hüyangpoi hangshinne I yah hüyange I min me meng tüolante Kahwang üha ne menglak wong Iye pha.

—John 1:12

Shaa mei toishaolan ütahte ngaiye ngohnang; hatüolana tüo, nuwe-shakpu, yejaoyeshepu, joke-mokpu yakjongpa, moungte khümpu, phong yengpu, teinupu, moppu, müktakpu, mongshih ngaipu, ünyei yahhupu, tei-ye-mongpu, teitampu, teikhapu, yu-we jokpu, nokshümpu, hüyange tüolepu. Aoyinne tüokihpu jonlakei, imane Kahwang ahngching moth yetüolak she taowe hangke numan üshongpemuh kenting ne tam, hüke shaa taowe numan kentingne tamnang. —Galatia 5:19-21

Temane wangngai ke ngaoting iye kemhah; pha-yangpa hei yuwe jokpume yeje, iymei lengpu hei

yejaoyeshepu me yeje, teelapu hei aohüng müktakpu me yeje. Hüyangpoi numane Nokpupa Jesu Khrista oyah, hüyange meiye lengpu ngaitemplak jingne mei tahtei.

—Rome 13:13, 14

“Hangjingne Nokpupa shishao me I üyongne menglak, hüyange Iye yu yeshüküma wongnangpu hango yeyinglak; hüyange I Ujao Yahawe maawe ngohlak, inyu she me ngohwante muh.” —Luke 1:15

“Numan kentinge ngohyah! Meiyange mo-tappu, hüyange yujok hahngapu, hüyange mongshangpu üyin ja ne, numan menge tah tam, yeshükümaa tüonyih mookshe yu ne ok.” —Luke 21:34

Iye Ite i, “Nange nang Nokpu-pa Kahwangte, nang mongjang üsheiye, nang yaha üsheiye, hü-yange nang kenmong üsheiye kentüo. Üjengpa hüyange üwangpa ngaokeng hatüo üja.”

—Matthew 22:37, 38

... “Konnyaopa ümei, jintepu üyin tüolak jingne taowe hanghe linglakshi?” Jesuwe Ite tong, “Nange hangne üte ümei she nyiknangki?” Kahwang tokte ao-heo ümei yenang; Nange ngao-kenglan shingnang: “Tahtoi; phwnge ngampu tahling; tah kuh; ngaolei tah i; tah lo; hüyange nangpa hei nangnyu iye sheyah.”

Iye Ite i, “Konnyaopa,” “Tao na-ha me muh tüopa ngaokeng jonyangki.” Yayengpu phei Jesuwe Ite tingkhakke lei, hüyange i; “Nang jawe yewang. Taitüo hüyange nangme ngohpu üshei yaotüo hüyange toihalante ngin phatüo, hüyange wangdangme nang hak-lak; tüophei me taikei hüyange üpheite woikei.” Ao-pe Iye tüopa ngao jai, sheta nyak hüyange mongmenge tai, hangjingne I mei-yangpu hakpa ne ngoh.

—Mark 10:17-22

Aohe me I Ha ngohnang I me üyin ngohnang, aohe me Kahwang Üha yenang Ime üyin yenang.

—I John 5:12

Lowelamne tahtam; Kahwang ye-i-yeshepe tahling, hangjingne hanghe kahtawe deinang, tüomuh Iye wetlak.

—Galatia 6:7

Hayimlan, aoheteo numan ünyong yete woine tahtam; aoheye ütingpa lingnang I hangke üjao me ngoh, I-o hükemuh üjao me ngohnang. Aoheye ünu jonnang, I kahshih mepu; hangjingne kahshih üwang memuh ünu om. . . .

—I John 3:7, 8

Yejaoyeshepu lane Kahwang ahngching moth yeleilak she numane yeshingpu a? Numan lone tahtam: iymei yejao yeshepu jonpune jeyah, mounkte khümpu ne

jeyah, phwnge ngampu jeyah, wanglam yejepu jonpune jeyah, netanne netanphei ümeng jonpu ne jeyah, kuhpa jeyah, waupu jeyah, yuwe jokpulan jeyah, phoiwümpu jeyah, yahhupu jeyah, tüolane Kahwang ahngching moth yenge-lak.

—I Corinth 6:9, 10

Aoheteo jajang japus ngaowe numan lowelamne tahtam, hangjingne tüolan jingne ngao yejaipu hayimlante Kahwang mongshih ngapiu peinang.

—Ephesia 5:6

Hüpoi numan yoi nying nyingke tüopa ngaote lowelamme jaipa nehei yemengpe, lingpane meng-tüo.

—James 1:22

Tüokhei, hangke kahta ja kaiye kahtoknyute ünu pei, hüyange ünu kaiye lipu pei, hüke kahta lili-te lipu pei, hangjingne üsheiye ünu om.

—Rome 5:12

Hangjingne mei jeng teipuwa li-pu ngohnang, hüpoi Yaha jeng tei-puwa üyin hüyange chingmei. Ha-ngjingne mei jeng teipuwa Kah-wang kaiye wepa ngohnang; hang-jingne hatüowa Kahwang ngao-keng phangme yenang, ütingme I yengoh oklak.

—Rome 8:6, 7

“Hüpoi aoyin nyampu, ütingye-lakpu, nunushepu, kahta toipalan, phwngngampalan, phongyengpa-lan, moungte khümpalan hüyange

tahleih ipalan üshei loonge ngo-hpu vün hüyange vünjom moluvün me yoi yoi meitam tüolak; tüopaa nishepupa lipu.”

—Ütahte ngaipu 21:8

Hüwante aope ünyeiyahhupuwe püm yekengpe ngai, ünu puh-e tamnang; hüyange aope ünua wa-nge jonglakei, lipute puhe tam-nang.

—James 1:15

Hüyangpoi nangnao jingne mongmei mo molak wongpong, hang-jingne nang nao liye ngoh hüya-ngpoi shaa I yange yeye ngohnang; I mahwe ngoh, hüyangpoi shaa I tüoyang pu.”

—Luke 15:32

Hüyange Üjao Yaha me lipu me-pu yange yepu kaiye I Kahwang Üha ngohnang she, ünganne hao-we, hüke Jesu Khrista, teman Nokpupa.

—Rome 1:4

Iye tüopa ngao iyangphei me Iye üngwenne nyik, "Lazar, ngai-kei!" Litepu kahta laowe, ya hei yak me pengkai nyi nyeiyange, hüyange I sheta me nyilüm yange ngai. Jesuwe imante i, "Ite lantümtüo," "Hüyange taine tamtüo."

—John 11:43, 44

Tüophei me I owe wen hüyange mangshengte jon, hüyange mang-paipalan lak. Jesuwe i, "Naoshe! Taowe nangte inang, laotüo!" Li-

ye ngohpu kahta lao hüyange ngao ine wang . . . —Luke 7:14, 15

"Üpawe üte kennang hangjinge taowe nishe koke yahlak jing-ne Ü-üyin phanang. Aohe-o üme-pu üyin yahteipu yeok. Hatüo ün-ying nytingke taowe angnang. Hatüo anglak üme wong ngohnang, hüyange hatüo yahyepu oklak wong üme ngohnang."

—John 10:17, 18

"Hüyange üyin ngohpupa; Tao li, hüyange leitüo, tao jin jintepu jingne üyin ngohnang, hüyange lipupa hei lipu yimching eppe-küplak Ü-me ngoh nang."

—Ütahte ngaipu 1:18

“Konnyaopa, ngaokeng yo me, Üjengpa ngaokeng hanghe pa shi?” Iye Ite i, “Nange nang Nok-pupa Kahwangte, nang mongjang üsheiye, nang yaha üsheiye, hü-yange nang kenmong üsheiye kentüo. Üjengpa hüyange üwangpa ngaokeng hatüo üja. Nishepupa ngaokeng üjengpa hatüo: Nange nang yupite nangkikh kenyah. Tüopa ngaokeng nime ngaokeng hü-yange hipalan khongkümpu yaphen lingnang.” —Matthew 22:36-40

“Taowe numante ngaokeng üla pha nang; jawe jate teiken yah. Numan teikenpu ngeye üsheiye numan ü pinlan she shinglak.”

—John 13:34, 35

Nange ngaokenglan shingnang: “Tahtoi; phwnge ngampu tahling; tah kuh; ngaolei tah i; tah lo; hüy ange nangpa hei nangnyu iye she-yah.”
—Mark 10:19

Hüyange shaa üyongnyu, taowe nang tangte ngaokeng üla nyian-puke yeje, hüpoi üwangme muh tomane hanghe ngaokeng tüo, tüopa ke temane jawe jate teiken-lak taowe nangte yope tongnang. Hüyange tüopaa kenpu, temane I ngaokenglanke kemlakyang, Numane üwang memuh jaipuke nga- okenga hatüo ngohnang, hüke nu- mane tüopa me kemlakyang.

—II John 5, 6

Tüokhei Nokpupa, aoheye wanguyak me lowe angpu wangngai yete yahpeilak, hüyangе üneo kahta mongjang me teiyangpu ütahte ngaitemlak, hipak mangoi wante I manyu manyu hango ngao tahphen; hüwante kahta liliye Kahwang mepu minyongpu tüolak.

—I Corinth 4:5

Hüyangе üneo, “Nokpupawe konnangpalanne teinyaopuwa ja-jang jalu she shingnang.”

—I Corinth 3:20

“Tüokaiye imane Kahwang yamlak, hüyangе imane I tüolak hüyangе Iphei iman ngohnang she, teitümlak. Tüoyangpoi teman kahta lili mepu I jaiye ye-

nang. Hangjingne: ‘I me teman ngohnang, hüyangе po-nang, hüyangе üyin ngohnang.’ Numan lokngaopa ütame ipu ke, ‘Hangjingne temano ime lickpu.’ ”

—Lamputoi 17:27-28

“Hanghepa jaowe anglakei tüopa ütah te ngaiye tamlak, hüyangе hangheyin pange angyapei tüolak hüyangе wangaite yah peilak.”

—Luke 8:17

Hüyangе Kahwang mepu lowe anglak hango yenang. Lingengaiyangpu üsheiye I mük shishao me lanne shaiyangе haolak, hüyangе Ite teman üsheiye yoi toishao haolak yang.

—Hebrew 4:13

22 KAWANG TE YIMEANGPA JINGNA SHAOSHIYALI

Hüpoi yejaoyeshepu kahtalan ngao phenlak hüyange mahlakpa nyih mangoi manngoi, tüopa ngao ja muh, shaa ngohpu wangdang hüyange kahtoknyulan tüne tüe, vün jingne tüme ngohnang.

—II Peter 3:7

Hüyange ütam üyin laitep me nyiane yengemaa, I molovün me hünlak. —Ütahte ngaipu 20:15

Iman jinte mahlak jingne shangne tamlak, hüyange Nokpupa hüyange I müktishiwa wongnangpu ompu yenanglak.

—II Thessalonia 1:9

“Nang yak yeshükümaa nang yawe ünu omne tamkümaa, tüopa langtüo hüyange nang mepu win-

tüo. Nang jingne yak hei ya moini phei jinte yemahpu vünte taipu phei yakja yeshükümaa ya ja yenangpe üyin chingte taipu meilak.”

—Matthew 18:8

“Kahta ühawe yoi shongnying palan shonlak, hüyange imane yoi ahngching me yashah haone tempalan hüyange ngaokeng kaiye toilingpalan üshei shai jemlak. Hüyange imane tüolan kahta yemahpu loonge ngohpu vün me shüplak; tüome shappu hei fa ngaopu ngohlak.”

—Matthew 13:41, 42

“Hüyange tüolan üküm yenangpe shangjing te yulak, hüyangoi üjao lanna jintepu üyin chingte tailak.”

—Matthew 25:46

“Hangjingne Iye lepu kahta ja-we üjaopame kahtoknyu ngao phenlak jingne Iye nyih ja leyang-ki, hüyange tüopa jeng Iye lipu yange yene iwante, kahta üsheite saki phayangki?” —Lamputoi 17:31

Hümaa Nokpupawe üjaopalan tokpu mepu yinlak shingnang, hüyange yejaopalan, ngaophen pu nyih jingne anglak. —II Peter 2:9

Hatüome temante kenpuwe wanngoine tamnang, ngao phenpu nyih me teman wongnange ngoh-lak jingne, hangjingne I hangke ngoh, temano tüopa kahtok me hüke ngohnang. —I John 4:17

Hüyange hangke kahta ja me-hei lilak, tüophei me ngaophenpu peilak.

—Hebrew 9:27

... Hüyange tüolan laitep me nyianne ngohpuke, lipalan yoi toi-shaoke ngaophen.

—Ütahte ngaipu 20:12

Hangjingne kahta lili püm me lingpu toi phei phenne, ümei jeyah, ümeng jeyah tüolak jingne toman üshei Khrista ngaophen jing shongme ütahte ngaitemlak yang.

—II Corinth 5:10

Tüokhei teman kahta liliye yoi jeng Kahwangte ngaolan phalak.

—Rome 14:12

Hüyang ünu hangke ngoh, hüke jajang japus hünghao yenangja. Hangjingne kahta ja ünuwe li she imaa, hatüophei shenyeipu, Kahwang shüpshe hüyang kahta ja, hüke Jesu Khrista shüpshe kaiye phapu hünghaowa maapu wangmanne ngai.

—Rome 5:15

Tüokhei sheminlamphe, kahtawe teipu me ngaipu me ngaipu, yeshükümaa omme mongpu jingne yeje, hüpoi shüpshe ngohpu Kahwang mepu.

—Rome 9:16

... “Kahwange otapalan te tenang, hüpoi innenyaipalante shüpshe phanang.”

—I Peter 5:5

Hangjingne teman Nokpupa Jesu Khrista hakpa ne ngohyapoi,

tüoyangpoi I toihane ne mengpu kaiye numan hakpane mengtam-lak jingne I numan jingne toihane meng, tüopa shüpshe numane shing.

—II Corinth 8:9

... Hüyangpoi ümekan me ünu jaalun, shüpshe-o üshei tangme jaalun, tüokaiye, ünupawe lipu tangme wanglam lam, hüke teman Nokpupa Jesu Khrista kaiye jintepu üyin jingne üjaopa kaiye shüpsheye wanglamlam.

—Rome 5:20, 21

Hüyang üngan üyongpuwe lampulane Nokpupa Jesu yange yepu jeng saki pha, hüyang shüpshi üyong iman üshei tangme ngoh.

—Lamputoi 4:33

“Tüokhei yeshingpu hipaka Kahwange hüke ang, hüyangpoi, shaapaa üshei yeme kahta üsheiye monglüplakyang she Iye ngao-keng phanang.” —Lamputoi 17:30

“Yeje! Taowe numan te inang numane numan monglepe ünulammepu yejei leimaa, numan üs-hei iman kih-e lilak.” —Luke 13:3

“Mongleptüo, hangjingne wangdang ahngching owe peiteki.”
—Matthew 3:2

Peterwe imante i, “Numan ünu winlak jingne numan mongleptüo, hüyangne numan kahta liliye Jesu Khrista min me baptitüo, hü-

yange Üjao Yaha hünghao numane yahlak.” . . . “Tüokhei mongleptüo, hüyangne Kahwang yete lüp-tüo, tüome nakshih Iye numan ünu photte winlak.”

—Lamputoi 2:38; 3:19

“Taowe numante iphaning, tüokih-e mongleppu wongpongne yejepu tepeli pentu angyange, aope ja ünu mepu mongleppe peilakei I jingne wangdang me mong mei üyong ngohlak.” —Luke 15:7

Hangjingne Kahwange mongpuke mongmengne tampuwe, nishe mongyemenglakne, yinyelak jingne monglüppne tamnang. Hüpoi Kahtoknyu mongmengpuwe lipu ngaitemnang. —II Corinth 7:10

... Jesuwe i, "Hümaa taoweo nang minyao minle. Taitüo, shaaji ünu tahling." —John 8:11

"Hüyange Jerusalem mepu wange jat üsheite monglüppu hüyange ünu winpu I min me konnyaolak." —Luke 24:47

"Hangjingne numan mih ümeng winmaa, numan wangdang üpawe numan ümeng winlak."

—Matthew 6:14

Iman ütinglakpu Jesuwe nge, hüyange yimtin dakpate i, "Üha, nang ünu winyangki." —Mark 2:5

... Numane tüo shingyah (Jesus), hatüo kahta kaiye ünu winpu numante pongtümnnang; ... I ah-

ngpa hüyange yinyepane menglak, hüyange Israel te mongleppe hüyange ünu winpu phalak jingne, Kahwange yoi yakjah yeme I ongne tam." —Lamputoi 13:38; 5:31

Leihuyah, tao taphen shongme yong yange taküpte kongnang; ütamme ü-ngaowüng jaiye taküp epmaa, tao I tangte onglak, hüyange I phei hah yinglak, hüyange Iye üphei hahyinglak.

—Ütahte ngaipu 3:20

Temane teman ünu janmaa, temante teman ünu winlak hüyange yejaoyeshepu üshei mepu teman jaowetam phalak, I me monghümlak hüyange ütingpa ngohnang.

—I John 1:9

Hangjingne kahta üshei tangte yinyepu yahpeipu Kahwang shüp-she ütahte ngaiteki; hüyangе temane yejaopu hüyangе kahtoknyu shangpu yejanpe, teiünyöpu, üjao, Kahwangte nyiame tüopa kahtoknyu üyin ngohlak.

—Titus 2:11, 12

Kahtoknyu me ngohpu toite ye-je, ütangyeme ngohpu toi me numan kenmong angtüo.

—Colossia 3:2

Numane kahtoknyu yeshükü-maa kahtoknyu me ngohpu toilan tahken, Ütame kahtoknyute ken-maa, Ipa yahyeng I me yenang, Hangjingne kahtoknyu mei ünyei

yah hupu, müke ünyei yahhupu, hüyangе üyin otamaohepu, kah-toknyu me ngohpu tüolan khong-kümpu Üpa mepu yeje, hüpoi kah-toknyu mepu ngohnang.

—I John 2:15, 16

Hüyangе ülick yelickpu wang-nyak toi phei tahpang, hüpoi iman tingetamtüo.

—Ephesia 5:11

Ütingyelakpu kahtalan! kahtoknyu shümpaa Kahwang wepa she numane yeshing a? Tüokhei aoyinne kahtoknyu shümpa ne menghunang, Iye yoi nying nyingke Kahwang phei wepa ne mengnang.

—James 4:4

“Kuhpalan kuhlak jingne, tolak jingne hüyang mengtamlak jingne hei peinang. Imane üyin tüolak, hüyang hatüowa yeonge tüolak jingne tao pei.” —John 10:10

I üjao me ngohnang she numane shingmaa, hümaa aohepawe üjaopa joneang, I-o Imepu puhpu, tüopa numane shingnang. . . . Aohe Kahwang mepu puh, Iye ünu yejon, hüpoi Kahwang mepu puhpu pawe yoi nying nyingke tüke angnang, hüyang ümengpawe I-te yelüt she temane shing.

—I John 2:29; 5:18

Tüokhei kahta ütam Khrista me ngohmaa, I üla ne mengpu. Üla-

ngpa linteki; leitüo, üshei üla mengteki. —II Corinth 5:17

Jesuve Ite jan, “Taowe nangte üting iphaning: I nishe yepuh maa, aoheo Kahwang Ahngching yengelak.” —John 3:3

Hüyang tüokihpu numan yo me ütam ngoh, hüpoi teman Nok-pupa Jesu Khrista min hüyang teman Kahwang Yaha me numan poiyangki, numan jaowetamteki, numan tingetamteki.

—I Corinth 6:11

Hangjingne Kahwang üyin hüyang jinte ngohpu ngao kaiye mah-hah shepu üli mepu yeje, hüpoi yemahlakpa üli mepu numan nishe puh. —I Peter 1:23

Aope numan ümeng lingpu hü-yange ünu kaiye liye ngoh, Iye numan üyin ne menge tam Hü-yange Iphei teman yange yenetam, hüyange wangdang nyojing-me Khrista Jesu me teman Iphei shotne tam.

—Ephesia 2:1, 6

Ünu mepu yane teman li phei me üjaopa jingne üyin ngohlak jingne Iye yoi nying nyingke pe me yoi püm me teman ünu ki; hü-yange I te shütpu makowe numan mei.

—I Peter 2:24

Numan Khrista phei yangeye she imaa, hümaa Kahwang yak-jahye me, ümeken me Khrista shotte ngohnang, ütang yeme ngohpu toilan yomtöö. Kahtok-

nyu me ngohpu toite yeje, ütang-yeme ngohpu toi me numan ken-mong angtöö. Hangjingne numan li, hüyange numan üyin Khrista phei Kahwang me lowe angnang.

—Colossia 3:1-3

Hüyange aoyin Khrista Jesu kahta ne meng imane meilahnyik-pu hüyange yejaopu tangpem me takyangki. Yaha me teman üyin ngohmaa, temane Yaha phei üneo kemhah.

—Galatia 5:24, 25

Hüke numano numan nying nyingke ünu mepu yanne li she hüyange Jesu Khrista me Kahwang jingne numan üyin ngohnang she teitöö.

—Rome 6:11

Aoheye yoi meime deilakei Iye
mei mepu mahpu wetlak, hüpoi
aoheye Yaha me deilakei Yaha me
jintepu üyin wetlak. —Galatia 6:8

“Phaonyu jongme hangke Mo-
seswe shekphan yan-pu yonge
tam, tüokih-e kahta Üha-o yonge
tamlak yang, tüopa kaiye aoyinne
Ite ütinglak jintepu üyin Imepu
tüolak.” —John 3:14, 15

“Aoyinne I hate ütinglak-lakei
jintepu üyin tüolak; aoyinne Iha-
ngao yejailakei aopeco üyin yetüo-
lak hüyangpoi Kahwang mong-
shihpu I tangme jinte ngoohlak.”
—John 3:36

“Hüyange hatüowa jintepu
üyin, imane nang shaha ütingpa
Kahwang she shinglak, hüyange
nange aohepa shon tüopa Jesu
Khrista.” —John 17:3

Hangjingne ünu küw-a lipu ngo-
hnang, hüyangpoi teman Nokpu-
pa Khrista Jesu me Kahwang ja-
jang japus hünghaoa jintepu üyin
ngohnang. —Rome 6:23

“Taowe numante üting ipa-
ning; Aoyine üngao jai, hüyange
tao shonpu pate ütinglak, jintepu
üyin tüolak. Ite ngaophenpu yen-
goohlak, hüyangpoi lipu mepu üyin
chingte taiteki.” —John 5:24

Teman Kahwang hayim she Yahwe yoi nying nyingke teman yahaphei saki pha nang. —Rome 8:16

Aohe me I Ha ngohnang I me üyin ngohnang, aohe me Kahwang Üha yenang Ime üyin yenang. Aoheyе Kahwang Üha min me meng numan tangte taowe nyiannang, hatüowe numan me jintepu üyin ngohnang she shinglak.

—I John 5:12, 13

“Aoheyе ü ngaokenglan shingnang hüyange angnang, I üte kenpupa. Hüyange aoheyе üte kennang, üpawe Ite kenlak, hüyange taowe Ite kenlak, hüyange taowe

üning nyingke Ite ütah te ngaiye haolak.”

—John 14:21

Hüyange numan I halanne menge, Kahwange yoi ha yaha teman mongjangte shon; hüyange tüopa yahawe, “Abba! Opa!” she üngwennang.

—Galatia 4:6

Tüokaiye I teman me ngohnang, hüyange teman I me ngohnang, tüopa Iye temante phapu Yaha kaiye temane shing.

—I John 4:13

Aoheyе Iha te yejanlakei, Iye Ipateo yejan ok. Aoheyе Ihate janpu oknang, Iye Ipa ngeye oknang.

—I John 2:23

32 KHRISTA ME NGOHPU E MONGMEI PHANANG

“Shaa tao nangtangte peinang, hüyang taowe tüolan kahtoknyu me ngaonang tüome nakshih i-man me wange ngoine tampu ü-mongmei ngohlak.” —John 17:13

“... Hüyangpoi taowe numan nishe leilak, hüyang numan mongjang mongmeilak, hüyang ao-heo numan mepu mongmei yah yeteilak.” —John 16:22

Hangjingne Kahwang ahngchinga hahlak yeshükümaa yinglak yeje, hüpoi Üjao Yaha me üjaopa, chingmei hüyanje mongmei ngohnang.

—Rome 14:17

Aohepa numane mannge, tüoyangpoi Ite kennang; numane shaa

I yengeyapoi, menge, ineyeokpu mongmei hüyang müktishiwa puwe mawe numan mongmei-nang.

—I Peter 1:8

Hangjingne Khrista phei tao tangpem me epteki, hüyang tao üneo üyin yenang, hüpoi üme Khrista üyin ngohnang; hüyang Kahwang üha, aoheye üte ken hüyang yoi nying nyingke ü jingne pha, Ite ütinglakpuwe tao üyin ngohnang.

—Galatia 2:20

“Ümongmeipu numan me ngohlak, hüyang tüopa mongmei wang ngoilak jingne, taowe numante tüolan ngao yangki.”

—John 15:11

Hangjingne Kahwang shaome
ngaokeng jaipalan üjaone yeje,
hüyangpoi ngaokeng jonpalan ti-
ngetamnang. —Rome 2:13

Numane ngaojaiye aohete yoi
nying ngingke rane pha, ünu jing-
ne lilakne yejah, ngao jaipuwe
üjaopa jingne jeyah, numane ao-
hete ngao jai I ra numan ngoh-
nang she, numane yeshing pu a?

—Rome 6:16

Hüyang Nokpupa Jesu vünlo-
ong me I wong wangdang shong-
nyingpalan phei wangdang mepu
ütahte ngaiwante, numan shange
pongpu ngepalante toman phei to-
loimeipu phawe, Kahwang yeshi-
ngpalante, hüyang teman

Nokpupa Jesu pungao ümei ngao
yejaipalante phuh hahpu phalak.
Iman jinte mahlak jingne shangne
tamlak, hüyang Nokpupa hüya-
nge I müktishiwa wongnangpu
ompu yenanglak.

—II Thessalonica 1:7-9

Aoyinne üyin pe tangte peiye
wong tüolak hüyang peten kaiye
chingnyute onglak jingne yoi nyi-
mo shaonang, iman moimanpupa.

—Ütahte ngaipu 22:14

Hüyang I wangngoine tam-
yang pheime, Ite ngao jaipu üshei
jingne Iüküm yenangpu yinyepu
üfügne meng. —Hebrews 5:9

Hüyange Üpa Kahwangte müktishiwa phawe, Jesu Khrista Nokpupa ngohnang she yi üsheiye janlak.

—Philippia 2:11

“Tüokhei aoyinne kahtalan shishaome tao janlakei, taoweo wangdang me ngohpu Üpa shishao me I jingne janlak. Hüyangpoi aoyine kahta shishao me tao yejanlakei taoweo wangdang me ngohpu Üpa shishao me I yejanlak.”

—Matthew 10:32, 33

“Hangjingne, nange nang juwe Jesuwa Nokpupa she janmaa, hüyange nang mong jangme Kahwange I lipu mepu yange yene

tam she mengmaa, nang yinlak. Hangjingne üjaopane menglak jingne kahtawe mongjange mengnang, hüyange yinyepu tüolak jingne juwe Iye jannang.”

—Rome 10:9, 10

Aoheye Iha te yejanlakei, Iye Ipateo yejan ok. Aoheye Ihate janpu oknang, Iye Ipa ngeye oknang.

—I John 2:23

“Kahta ütame üjingne hüyange taowe nyaopu konte wüowe teimaa, aope kahta üha yoi müktishiwaphei hüyange Üpa, hüyange Üjaopa shongnyingpalan müktishiwa phei yulakei, I jingne wüolak.”

—Luke 9:26

Deiyetayah, hüyange kenting mongtayah. Waowe-ngohpu yeng-kong mailangke numan wepa kah-shih-e aohe lihpu oklakshe, I yam-me kemnang.

—I Peter 5:8

I yupuwa satanne lingpu mepu ngohlak, hüyange mahlaklan jing-ne tüo ngoiye hüyange yepinlakpa üshei hüyange ngaolei yashanyali.

—II Thessalonia 2:9

“Nange iman mük eppe tamlak hüyange wangnyak mepu iman wangngaite leppe tamlak, hüyange kahshih wongmepu Kah-wang tangte ye-etamlak, hüyange üte ütinglakpu kaiye iman ünu winpu oklak hüyange Kahwange

lepu yo me mothleilak jingne tao-we nang iman tangte shonnang.”

—Lamputoi 26:18

Tüophei me kahtshih-e toklak jingne, Yahawe wanwüng jengte Jesu woitei. Tüophei me Jesuwe Ite i, “Taitüo, Satan; hangjingne hatüo nyianne ngohnang, ‘nange nang Nokpupa Kahwangte khüm-lak, hüyange I shaha shaoshan-tüo.’ ” Tüophei me kahshiye I ang, hüyange wangdang shongnying-palan pei hüyange Ite pao.

—Matthew 4:1, 10, 11

Numane kahshih lowelampu kaiye yongoklak jingne, Kahwang wehok o üshei o tüo.

—Ephesia 6:11

Tüojingne hangke hayimlane
mei hei iy ompalanne ngoh, hüke
Iyeo yoi nying nyingke jakih om,
tüowe lipu kaiye Iya I mahne tam-
lak, aohe me lilak üngan ngoh, ha-
tüowa kahshih. —Hebrew 2:14

Aoheye ünu jonnang, I kahshih
mepu; hangjingne kahshih üwang
memuh ünu om. Kahshih toi mah-
tamlak, tüopa jingne Kahwang
üha ütahte ngaiyangki. —I John 3:8

Aoheye Khrista yahyeng mepu
teman yan temlak shi? Shangepon-
gpu, yeshükümaa mongshang,
yeshükümaa shangnetampu, ye-
shükümaa shenyao yenglepu, ye-
shükümaa pümkeng, yeshükü-

maa wengtuh, hei yanglao, tüo-
lanne oknang kü a? ... Yeje, tüo-
yin üshei me aoheye temante ken
I kaiye teman okpalanphei nehoi
shetahpu. —Rome 8:35, 37

Tüokhei numan nying nyingke
Kahwang phang me ngohtüo, hü-
poi kahshih teentüo, hüyange I
numan mepu phette tailak. Kah-
wang shongte peikei, hüyange I
numan shongte peikülak. . . .

—James 4:7, 8

Tüophei me tüopa ngaokeng ye-
jaipa ütahte ngaine temlak, hü-
yange Nokpupa Jesuwe I ju lüowe
I toilak, hüyange I yupu ütahte
ngaipu kaiye I ükengne menge
tamlak. —II Thessalonia 2:8

Taowe kahtalan ngao hüyange wangdang shongnyingpa lanke ngaoyapoi, hüpoi kenpu yenang maa; taowe nyamkongpu wüng yeshükümaa beiwang happu ne meng.

—I Corinth 13:1

Hüpoi Yaha ülick tüolan ngoh-nang, kenpu, mongmei, chingmei, nünokpu, yahyengpheipu, meipupa, monghümpu, innyaipu, yoi ny-
ing nytingke tüke okpu.

—Galatia 5:22, 23

“Numane üte kenmaa, ü-ngao-kenglan numane jonlak.”

—John 14:15

Kahta ütame, “Taowe Kah-wangte kennang she imaa, hü-yange yoi jeihei naote nu maa, I

tahleihpa; hangjingne hanghepa jeiheinao Iye nge Ite Iye yeken-maa, hümaa Kahwang, aohe Iye yenge, Ite Iye yekenok.”

—I John 4:20

Ni she Iye Ite i, “John Üha, Si-mon, nange üte kenya?” Iye Ite i, “Üm, Nokpupa, taowe nangte ken-nang she nange shingnang.” Iye ite i, “Ü nyi yomyah.” —John 21:16

“Numan teikenpu ngeye üshei-ye numan ü pinlan she shinglak.”

—John 13:35

Temane lipu mepu üyin tangte taiteki she shing, hangjingne temane jeihei naolante kennang. Aoheye yeken, I lipu me ngoh-nang.

—I John 3:14

“Jerusalem hüyang jehudilan kahtok me Iye lingpu üshei jingne toman saki ngohnang. Imane pe me I take toi; hüyangpoi Kahwange I nyihlüm shepupa me yange yene tam, hüyang poi ütahte ngaiye hao; kahta üsheite yeje, hüyangpoi Kahwange toman ao-yin saki ne le, hüyang I yange yephei me aoyinne Iphei hah-ying yangki, tomante I ütahte ngai hao.” —Lamputoi 10:39-41

Jesu lipu mepu yange yephei me, hat me üwangpa nap, I Mary Magdalen tangte üwangne ngai, aohepa mepu laa nyit ngoiye Iye jange tei.

—Mark 16:9

Nyihtet ngohyange I pinlan üneo noksa me ngoh, hüyang Thoma imanphei ngoh. Jesu pei, taküp yange ngoh, hüyang iman yo me yong hüyang i, “Numan phei toloimei ngohyah.” Üneye Thomate Iye i, “Nang yaklan tüome wenkei hüyang üyakte leiyah; nang yaklan tüome peiye ü-hempa te teppe leihu; üting yelakpe tah ngoh, hüyangpoi üting lakyah.” Thoma Ite jane i, “Ünok-pu hüyang Ü Kahwang.”

—John 20:26-28

Tüopa Jesu teman ünu jingne phenne pha, hüyang teman tingenetamlak jingne nishe yange yene tam.

—Rome 4:25

“...Hipak peiküki - hüyangе hätüowa shaa ngohnang - aope lipulane Kahwang Üha ngaowüng jai lakei, hüyangе aoyinne tüopa jai üyin ngohlak. Hatüo ngaote yatashan: hangjingne liye mangjongme ngohpu üsheiye I ngao jailak hipak peiküki; hüyangе iman üshei mang jongmepu ngailak; aoyine ümei lingyangki yange yelak hüyangе üyin ngohlak, hüyangpoi aoyine ümeng lingyangki yange yelak hüyangе ngaophenlak.”

—John 5:25, 28, 29

Yeshükümaa teman, hangshin Khrista Jesu me baptitam, teman üshei I lipu me baptitam she numane yeshing a? Tüokhei hangke

Ipa müktishiwa kaiye Khrista lipu mepu yange yene tam, hüke temano üyin üla me kemlak jingne teman üshei baptipu kaiye lipu me Iphei mu. Hangjingne temane I lipu lepu me Iphei shüppе sha-maa, teman I yange yepu lepu meo Iphei shüppе shalak.

—Rome 6:3-5

Hüpoi numan me Khrista ngohmaa, ... hüpoi üjaopawe Yahaa üyin ngohnang. Aoheye Jesu lipu mepu yange yene tam I Yaha me ngohmaa, Jesu Khrista lipu mepu yange yetam pupawe numan me ngohpu I yaha kaiye numan lilak pümteo üyin phakülak.

—Rome 8:10, 11

NOKPUPA TE MÜKHISHIWA

“Teman wepalan yak mepu yintam yange, ye-nyiampe I shao-shanlak jingne temante lingtam-lak jingne, I sheshao me üjaopa me hüyangе ütingpa me teman üyin hipak khongkümpu yin.”

—Luke 1:74, 75

Tüokhei jeiheinaolan, tüolan janpu ngohtepuwe, temane Kahwangte nyiampu phei üjaopa wangngoi tamme mei hei yaha ye-jaopu üshei mepu teman nyingningke jaohah.

—II Corinth 7:1

“Numan mongleppu yepilakpa haowe taowe numan yengme bapti nang. Aohepa üpheite peinang üpheiwong sheyong pupa hüya-

nge I yashom kilak nehoi tao ye-wang.”

—Matthew 3:11

Ipa Kahwange Yaha jaowe tame phapu me, Jesu Khrista te ngao jailak hüyangе I iy shaitamlak jingne lepu hüyangе nyingtampu mepu.

—I Peter 1:2

Tüokhei ütamme yoi nyingningke tüolan mepu jaowe ngohmaa, I minyonge tamlak toine wangpu, Nokpupawe jonlak wangpu, hüyangе toi ümei üshei jingne tümme tapu ngohnang.

—II Timothy 2:21

Hüpoi numante nyikpa hangke üjao me ngoh, numano nyoingoh khongkümpu me hüke üjao me ngohyah.

—I Peter 1:15

Tüokhei Jesu-o, I yoi iy kaiye kahtalan jaowe shatamlak jingne, peten kaiye taiye shange pong.

—Hebrew 13:12

Teman I shishaome I yahyeng me üjao hüyange ümeng yenang-pe ngohlak, kahtoknyu manling-wante Iye teman Khrista me le. Kahta üla, aohe Kahwang lepu me ngaotingpa, shemeipupa hüyange üjaopa me lingsyangki, tüopa otüo.

—Ephesia 1:4; 4:24

Temane teman ünu janmaa, temante teman ünu winlak hüyange yejaoyeshepu üshei mepu teman jaowetam phalak, I me monghüm-lak hüyange ütingpa ngohnang.

—I John 1:9

Kahwang ütingpa ngaolan kakhshuwe nyaopa ja ne, Itoi jingne yewüope toilingpa ja ne, Kahwang mepu monghahpu lanshe tüolak jingne, nange okpu shinne meiye lingtüo. —II Timothy 2:15

Hüke tüolan khongkümpu yengne menge tailak she shinge, numan Kahwang nyih peipu hangheye wangdanglan vün me jakke diye tailak, hüyange wangme ngohpalan yeonge shempuwe diye tailak.

—II Peter 3:11

Üshei phei chingmei, hüyange shejaopupa hanghepa yekaikü-maa Nokpupa yengelak, tüopa üjaopa jange taitüo. —Hebrew 12:14

Tüokhei ngapane tah nang, hüpoi Nokpupa mongpu hanghe ngoh tüopa shingyah.

—Ephesia 5:18

“Numan jajashinne yemeiyapoi numan hayim lante toimei phalak shin gkümaä; hümaa wangdang me ngohpu Üpawe Ite yupalante Üjao Yaha hangshin phalakshi?”

—Luke 11:13

Hüyangpoi I me Üjao Yaha maawe, wangietye leiye, Kahwang müktishiwa hüANGE Kahwang yakjah yeme Jesu yonge nge.

—Lamputoi 7:55

HüANGE aope imanne yoppe sho, iman jamshe jemme ngohpu nyoi shuipo. HüANGE iman üshei

Üjao Yahewe maawe ngoh, hüANGE imanne Kahwang ngao wongnange ngao. —Lamputoi 4:31

Hüpoi Kahwang Yaha numan me ngohmaa, numan mei me yeje hüpoi Yaha me ngohnang. Hüpoi aohete Khrista Yaha yenang, Iya I jingne yeje.

—Rome 8:9

“Hüyangpoi aope Üjao Yaha numan tangte peilakei numane üngan yahlak . . .” —Lamputoi 1:8

Hangjingne I kahta ümei, hüANGE Üjao Yaha hüANGE ütinglak puwe maawe ngoh. . .

—Lamputoi 11:24

HüANGE Antioch me pinlanna mongmei hüANGE Üjao Yahewe maa.

—Lamputoi 13:52

KHRISTAN LANTE JANPU YASHANYALILAK 43

Jesuve i, “Oklak,” “Nange mongmaa! Aohe me ütinglakpu ngoh, lampheli oklak.” —Mark 9:23

Kenneteipalan, numan toklak jingne numan yo me hanghe tokenyaopu vün kih-e peinang, tüopa üwangne ngailak ja ngainang she, numan yatahshan. Hüpoi hangshine numan Khrista shangepongpu teitame hanpalan ngoh-nang, I müktishiwa ütahte ngai-wante numan yeonge mongmei puwe mongmeilak jingne, teishin-ne mongmeiyah. —I Peter 4:12, 13

“Hüyang iman mük mepu mükphi üshei Iye phuttamlak; hüyang lipu shaaji yenanglak, mangshaplak yeshükümaa shap-

pu, yeshükümaa shaoshitamlak shaji yenanglak; hangjingne üwanganpalan linne taiteki.”

—Ütahte ngaipu 21:4

“Hüyangpoi üwangne Kahwang Ahngching hüyang I üjaopa yamtüo, hüyang tüolan üshei numante paowe yahphalak.”

—Matthew 6:33

Hüyang tüolan kaiye toinyu hüyang shemeipupa üyong janne angpulan temante Iye phayangki; nuweshakpu kaiye kahtoknyu me ngohpu mahlakpa mepu yintepu-we numan Kahwang nyoingoh tamenpalane mengpu oklak ne tüolan janne angpulan phayangki.

—II Peter 1:4

Hangjingne Iye yoi nying nyin-gke tokpu haowe shangpu taop-uwe, Iye tokpu haopalante jampu oknang.

—Hebrew 2:18

Chingmei Kahwange numan ya-phang me Satan loknetamlak.

—Rome 16:20

Aoheyе tokpume nün-oknang I moimanpu; hangjingne Iye tokpu okyang phei me, üyin shaoshaoh, hanghe Nokpupate kenpalante phalak jingne Iye jan, tüopa Iye tüolak.

—James 1:12

Hangjingne toman shangpu tantampuwa hanghepa üjingha pu jingne hei ngoh, tüopa toman

jingne ünyei ünyei shake, jinte üküm yenangpu müktishiwa she-jeipu tümnang.

—II Corinth 4:17

Kahwangte kenpalan aoyin Iye mongpuke keme ngohnang iman shongme toi üshei jamme ümei-jingne teiling nang she temane shing.

—Rome 8:28

Kahtawe nünoklakne tokpu kai-ye numan tangte tokpu yepei; hü-yange Kahwang monghümpu ne menge Iye numane nünoklak tok-te kaiye numan tokneyetamphalak, hüpoi numane nün oklakne Iye tokpume yinlak jingne lam tümme tamphalak.

—I Corinth 10:13

OKPULAN JINGNE JANPU

45

“Aoheye oknang I hüke o üheng me o-ne tamlak; hüyange taowe hangke jam I min üyin laitep me-pu photteyewinlak, hüyange Üpa shishao me hüyange I shongnyingpalan sheshao me I min taowe janlak.” —Ütahte ngaipu 3:5

“Aoheye oknang, I üphei ü Ahngpa shotjingme taowe shotne tamlak, hüke taowe yoi nyng nyngke hangke okyange Üpa phei I Ahngpa shotjingme shotnang.” —Ütahte ngaipu 3:21

“Aoheye oknang, I Ü Kahwang yopnok me taowe shongnyu ja ne menge tamlak; hüyange I tüome-

pu shaaji ütailak; hüyange ü Kahwang min, hüyange ü Kahwang chingnyu, üla Jerusalem, wangdang hei ü Kahwang mepu yu, tüopa min, hüyange ü yoi min üla taowe Ite nyianlak.”

—Ütahte ngaipu 3:12

“Aoheye oknang Iye tüolan moth leilak; hüyange tao I Kahwang ne menglak, hüyange I üha ne menglak.” —Ütahte ngaipu 21:7

“Aohe me na nyim, arogolante Yahawe hanghe inang jaiyah. Aoheye okyapei Ite tao Kahwang chingmei nyoi me hanghe ngoh, tüopa üyin pe mepu hahne phalak.”

—Ütahte ngaipu 2:7

KAHWANGE SHUKOLAIPU JEANG TUMAN TE EINANG

Nokne mengtepulan jingne tao-we inang, taowe yeje hüpoi Nok-pupawe: nokne mengtepu sheko yoi netanpa tüoyange yeyanlak; hüpoi yantaimaa, yha wamnyune menge angtüo, hüke yeje-maa yoi netanpa yamme yetüo; hüyangе netanpawe yoi shekonyu tahwin.

—I Corinth 7:10, 11

Hangjingne netanpa ngohpu sheko ja yoi netanpa üyin me ngohwante ngaokenge netanpa phangte shinyange ngohnang, hüpoi netan limaa, netanpa ngao-keng mepu yha lanteki. Tüokhei, netanpa üyin ngohwante yhawe

ülaо netan tangte taimaa, yha phwngngamnyu she nyiklak. . . .

—Rome 7:2, 3

“Aoheye yoi sheko teiyange sheko üla yahlakei, Iye phwng-
ngampu toi jonnang; hüyangе ao-
he netane yanne ngoh pu sheko
yalakei I phwng ngam nang.”

—Luke 16:18

“Hüyangpoi taowe numante in-
ang aoheye yoi sheko yantemla-
kei. Hüyangе yha yemeipe ye-
ngoh, yha phwngngam ne tam-
nang; hüyangе aoheye yanne ngo-
hpu sheko yahlakei phwngngam
pu toi lingnang.” —Matthew 5:32

“Hüyange tao taiye numan jingne nyojing temkümaa, tao koke yelak, hüyange taowe numan üphei teilak, tao ümeken me ngoh tüoken me numano ngohlak.”

—John 14:3

“Tao mamshe peikülak; nang shaoshaoh aoheo üyalak jingne, nangme hanghe ngoh tüopa mongjüonge tüktüo.”

—Ütahte ngaipu 3:11

“Hangjingne kahta ütame üjingga, hüyange tüopa ütingyelak pu ünu jinme üngao jingne, wau-maa, aope Üjaopa wangdang shognyingpa lan hei Ipa müktishi-wa me I yulakei kahta Ühawe I wautüo tamlak.”

—Mark 8:38

“Hüwante wangme Kahta Üha yepinlakpa ngelak, hüyange hüwante kahtoknyu jat hei lilan üsheiye mongjangte tüppe shaplak; hüyange imane kahta Üha wangphom me üngan hei müktishiwa üyong pume yupu ngelak.”

—Matthew 24:30

Numaneo nünne ngohtüo: numan mongjang wongnangyah, hangjingne Nokpupa peilak hipak ü-o-me ngohnang.

—James 5:8

“Hangjingne wanghe ongjing yemepu hangke wanglüppe ngai, hüyange wanghe nyipjing ngoiye ngenang, hatüokih kahta üha peipu ngohkülak.”

—Matthew 24:27

Hüyange i, "Galilee kahtalan, numanne hangne wangyete nganne yongpu shi? Hatüo Jesu, aohe numan mepu wangdangte woi in, numane hangke I wangdangte onge nge, hatüo kihmuh I yukülak."

—Lamputoi 1:11

"Leihu, tao kuhpake peinang! Aoheye püm keng me yekemlak hüyange wüoyetüolak jingne tümtawe ngohnang, hüyange o tüme angnang, I moimanpu!"

—Ütahte ngaipu 16:15

Mongkenlan, shaa teman Kaghwang hayimlan ngohnang, hüyange phei me teman hanghe ne menglakei tüopa üneo ütahte manngai. I ütahte ngaiwante te-

man I kih-e ngailak, hangjingne I hangke ngoh, hüke muh temane I ngelak, tüopaa temane shing-nang. Hüyange Ite aoheye tüopa monghümpu ngohnang, I hangke jaowe ngoh, I-o hüke muh yoi ny-ning nyingke jaonang.

—I John 3:2, 3

"Tüokhei numano, tümyange ngohya, hangjingne numane ye-teitüopu hipak jame kahta üha peikülak."

—Luke 12:40

"Hangjingne kahta üha yoipa müktishiwa me wangdang shong-nying palan phei peilak, hüyange kahta lilite Iye lingyangpu me tokyange hünghao Iye phakü-lak."

—Matthew 16:27

Kahwang Ngao

Hangjingne hi-ngao aopeo kahtawe mongpuwe yepei, hüpoi kahtalanne Üjao Yaha-e henge Kahwang mepu ngao.

—II Peter 1:21

Hangjingne Ngaolai üshei Kahwange yuwetam hüyange tüopaa ütingpa, ümeng jingne teetampu, püopu tingtampu, hüyange ütingpa üyin ngoohlak jingne tingetamme nyaolak jingne shunang.

—II Timothy 3:16

“Üyin phapuwa Yaha ngohnang; meiye hangmeo yejam. Taowe numante hanghe ngao ngaoyangki Yaha hüyange üyin ngao ngohnang.”

—John 6:63

Yoppu Hüyange Ümeng Winpu

“... Wangdang me ngohpu Opa, nang min Üjao hüna, nang ahngching peikei, wangdang me hangke ngoh, kahtok nyume nange mongpu kih lingyah. Ten-yih tomante toman nyihjei hahlak yakei. Tomaneo mih ümeng winyangki, hatüokih toman ümeng winpha; hüyange toklak jingne toman tahwoi, hüyangpoi ümengpa mepu toman tükyah. Hangjingne numan mih ümeng winmaa, numan wangdang üpawe numan ümeng winlak; hüyangpoi numane mih me ngohpu iman ümeng yewinkümaa, numan üpaweo numan ümeng yewintamlak.”

—Matthew 6:9-15



Read booklets online or by App
www.wmp-readonline.org

226 Konyak Naga HFA